



Uunga  
Inatsisartunut ilaasortaq  
Aaja Chemnitz Larsen  
Inuit Ataqatigiit

**Angerlarsimaffeqanngitsut qanoq amerlatigineri pillugit § 37 naapertorlugu  
apeqqutip nr. 2017-230-p akineqarnera**

24-11-2017  
Suliap nr.: 2017 - 23534  
Akt. id. 6432335

Angerlarsimaffeqanngitsut qanoq amerlatigineri pillugit apeqqutigisannut qjanaq.

Aallarniutigalugu erseqqissarniarpara inuit angerlarsimaffeqanngitsut assigiinngitsunut pingasunut avinneqarsinnaammata. Tassaappallu angerlarsimaffeqanngitsut, angerlarsimaffeqarallartut ineqanngitsullu.

Postboks 260  
3900 Nuuk  
Oqarasuaat (+299) 34 50 00  
Naqitanik nassitsigasuaat +299  
34 66 66  
Mail: iniiian@nanoq.gl  
www.naalakkersuisut.gl

Angerlarsimaffeqanngitsut tassaapput inuit unnuaanerani aalajangersimasumik najugassaqaanngitsut.

Angerlarsimaffeqarallartitat tassaapput inuit inigisaminniit INI-mit imaluunniit Iserittimit anisitaasimasut, angerlarsimaffiugallartumilu ineeqqami najugallit.

Ineqanngitsut tassaapput inuit arlaanni najugallit, amerlanertigut ilaqtutani ikinngutiniluunniit, aalajangersimasumillu nammineq inigisarinnigisaminni najugaqarallartut.

Tullinguuttuni angerlarsimaffeqanngitsut taakku immikkoortinneqaanngillat.

**1. Massakktut qanoq amerlatigisut angerlarsimaffeqannginnerat Naalakkersuisut  
kisitsisaatigaat?**

Innuttaasunut angerlarsimaffeqanngitsunut Namminersorlutik Oqartussani kisitsisitigut paasissutissanik soqaanngilaq.

Tamannalu pissutigalugu Isumaginninnermut, Ilaqutariinnermut, Naligiissitaanermut Inatsisinillu Atuutsitsinermut Naalakkersuisoqarfimmiit kommunit aperineqarsimapput, taakkulu tullinguuttuni imatut akissuteqarput.

Kommuninit akissutigineqartuni Isumaginninnermut, Ilaqutariinnermut, Naligiissitaanermut Inatsisinillu Atuutsitsinermut Naalakkersuisoqarfiup tigusimasaani inuit katillugit 878-it angerlarsimaffeqanngitsutut nalunaarsorneqarsimapput. Naatsorsuinerilli mianersuuttariaqarput, tassami kommuninit kikkut angerlarsimaffeqanngitsutut taaneqarsinnaanersut assigiinngitsumik nalilersorneqartarmata.

Kommune Kujallermi angerlarsimaffeqanngitsut katillugit 173-iupput, Qaqortumi 72-iullutik, Nanortalimmi 38-iullutik Narsamilu 25-ullutik. Narsami taaneqareersut saniatigut inuit qulingiluat isumaginnittoqarfik aqputigalugu inissaqartinneqarput, 29-

llu ornittakkanut inissinneqarsimallutik. Kommunimit nalunaarutigineqarpoq angerlarsimaffeqanngitsut ukiuni kingullerni tallimani amerleriarsimasut.

Qeqqata Kommuniani angerlarsimaffeqanngitsut 2017-imi 78-inut nalunaarsorneqarsimapput. 2014-imi angerlarsimaffeqanngitsut 116-inut naatsorsorneqarsimapput.

Kommuneqarfik Sermersuumi angerlarsimaffeqanngitsut katillugit 469-iupput.

Qaasuitsup Kommuniani angerlarsimaffeqanngitsut katillugit 121-upput. Ilulissat illoqarfittut marlunnik nunaqarfeqarluni marlunnik innuttaqarpoq sumiiffeqanngitsunik, innuttaasullu 63-it inuit nalunaarsorsimaffianni sumiiffeqanngitsutut nalunaarneqarsimallutik. Kangaatsiami inuit arfinillit najugaqanngitsutut nalunaarneqarsimapput. Uummannamiit nalunaarutigineqarpoq angerlarsimaffeqanngitsunik ilisimasaqarnatik. Aasianni innuttaasut 21-t angerlarsimaffeqanngillat. Qasigianguani inuit sisamaanngikkunik tallimat angerlarsimaffeqanngitsutut nalunaarneqarsimapput. Qaanaami innuttaasut 22-t angerlarsimaffeqanngillat. Upernavimmi inuk ataaseq angerlarsimaffeqanngitsutut nalunaarutigineqarpoq. Qeqertarsuarmi inuk ataaseq angallammi najugalittut nalunaarneqarsimavoq.

**2. Illoqarfiup pingaarnersaani Kalaallillu Nunaata sinnerani angerlarsimaffeqanngitsut amerlassusaat assigiinngissuteqarpa?**

Tamanna pillugu Namminersorlutik Oqartussani kisitsisitigut paasissutissaqanngilaq. Apeqquut 1-imut akissutigineqartoq innersuussutigineqarpoq.

**3. Ukiuni kingullerni tallimani angerlarsimaffeqanngitsut amerlassusaat qaffassimanersoq Naalakkersuisut akisinnaavaat?**

Angerlarsimaffeqanngitsut amerlassusaannut tunngatillugu angerlarsimaffeqanngitsuni ukiumut qanoq amerliartortoqarneranut kisitsisitigut takussutissaqanngilaq.

Nuummut tunngatillugu Frelsens Hær aamma Kirkens Korshær suliniutitut pilersinneqarnerisigut paasineqarsimavoq piffissami 2014 - 2016-imut kialaarfinni puuguttat sassaalliutigalugit tunniunneqartut qanoq amerliartorfiusimanersut, tassanilu sassaalliutigineqartut amerliartorfiusut paasinarsivoq. Tamanna angerlarsimaffeqanngitsununertut paasineqassanngilaq, iganilli nerisaqarsinnaanermik pisariaqartitsinertut taasariaqarluni. Kisitsisilli angerlarsimaffeqanngitsut amerliartornerisa ilimanassuseqarnerannut takussutissatut atorneqarsinnaapput.

Angerlarsimaffeqanngitsut amerlassusiinut assigiinngisumik kisitseriaaseqartoqarnera, sunalu pissutigalugu taamak amerlatigisut angerlarsimaffeqarnerannut tunngaviunersoq pissutaanersorlu pillugit ilisimasaqannginneq pissutaallutik Naalakkersuisut eqqassalersinneqarput inuit angerlarsimaffeqanngitsut amerlassusaannut kisitsisitigut paasissutissanik allatut aaqqissuulluakkamik katersisalersoqarnissaanut eqqarsaatersuuteqarput.

**4. Angerlarsimaffeqanngitsut atugaasa pitsanngorsarneqarnissaannut Naalackersuisut suliniutinik sunik pilersaaruteqarpat, tassani ineqarnikkut suliniutit ilagisaattut?**

Angerlarsimaffeqanngitsuunermut pissutaasinnaasut arlaliupput, soorlu inuttut ajornartorsiutit, suliffissaqannginneq immaqalu tarnikkut ajornartorsiuteqarnerit. Taamaammallu isumaginninnikkut, peqqisutsip tungaatigut, ilinniartitaanikkut suliffissaqartitsiniarnikkullu suliniutit ataqatigiissut aqqutigalugit angerlarsimaffeqanngitsuuneq pinaveersaartinniarneqartariaqartoq.

Inissianik attartortitsisarneq pillugu peqqussummi §§ 5 aamma 22 naapertorlugit Kommunit, Nunaqarfinnut, Isorliunerusunut, Attaveqatigiinnermut Ineqarnermullu Naalackersuisoqarfik inissianik attartortitsisarneq pillugu peqqussummi inissianut attartorneqanngitsunuinnaq isummersinnaalluni nalunaarpoq, matumani inissiat isumaginninnikkut inissiatut kommuninit tunniunneqarsinnaasut ilanngullugit.

**5. Angerlarsimaffeqanngitsut ikinnerulersinniarlugit kommunit qanoq oqaloqatigineqarpat?**

Angerlarsimaffeqanngitsorpasuaqarnerata kingunerisaanik angerlarsimaffeqanngitsuunerup pitsaaliorneqarnissaanut, inersimasunut isumaginninnikkut navianartorsiortunut, suliniutit suut suliniutigineqartariaqarnerisut pillugit Naalackersuisut kommunit, NGO-t, ilisimatuut allallu oqaloqatigiissutigissavaat.

Naalackersuisut aprili 2016-imi napatitsinerneq siuariartornissamullu pilersaarusiamik saqqummiussippot, 2030-p tungaanut pisortani aningaasaqarnerup, siuariartornerup suliffissaqarniarnerullu tungaasigut qulakkeerinnittussamik. Suliffeqarfimmik siunnersuiffiusussamik inuillu inuttut aningaasaqarnikkut akiitsulinnut ikiuiffiusartussamik pilersitsinissaq pilersaarutinit ilaavoq. Innuttaasut akiitsullit akiitsuminnik akilersuinissaat siunertaralugu sullissisunit attuumassuteqartunit akeqanngitsumik siunnersorneqarnissamik neqeroorfigineqartarnissaat anguniagaassaaq.

Kujataani akiitsullit siunnersortarnissaat pillugu suliniut nutaaq akiitsut pinaveersaartinnissaannut suliniutaasoq nutaaq assersuutissaqqippoq. Suliniummi pingaartitarineqarpoq innuttaasut aningaasaqarnikkut ajornartorsiuteqartut siunnersorneqartarnissaat aqqiissutissarsiorlunilu suliniuteqarfigineqartarnissaat. Suliniut ukioq manna 2018-imilu A/S Inissiatileqatigiiffik INI-p, Kommune Kujallip, Grønlandsbankenip aamma Namminersorlutik Oqartussat suleqatigiinnerisigut ingerlanniarneqarpoq. Suliniummi misilittagaalersut aqqiissuussinerup nunap sinneranut siaruarsinnaanissaanut inersaqqinnissaanullu isummernissamut tunngaviliissapput, tamannalu aqqutigalugu suliniutinik allanik pisariaqartitsisoqassanersoq isummerfigineqarluni, tamannami aqqutigalugu arlaatigut inuit aningaasaqarnermikkut annikillioortut ikiorneqarnissaat iluaquserneqarsinnaammat, inuiaqatigiinnilu imminut pilersorsinnaaneq qaninnerulersillugu.

Taassuma saniatigut suliniutinik inersimasunut inuunermikkut ajornartorsiortunut sammititamik suliniuteqartoqarnissaa isumaliutigaara.

Inussiarnersumik inuulluaqqusillunga



Sara Olsvig

Isumaginninnermut, Ilaqutariinnermut, Naligiissitaanermut Inatsisinillu  
Atuutsitsinnermut Naalakkersuisoq